

## **Xov xwm tshiab ntsig txog tus kab mob COVID-19 cuam tshuam rau cov neeg thoj nam thiab cov neeg tawg rog**

**Cov neeg uas muaj mob rau thaum lub sijhawm muaj tus kab mob COVID-19 no tshwm sim yuav tsum tsis txhob ntshai nrhiav kev kho mob rau lawv tus kheej, tsis xam tias yuav yog neeg nkag teb chaw los sis cov neeg uas muab rab peev xwm them taus cov nqi saib xyuas mob nkeeg.** Qhov tseem ceeb ces txhua tus neeg nyob hauv Saint Paul suav txog cov neeg tsis yog neeg xam xaj tsis hais yuav yog neeg nkag teb chaws los yuav tsum tau txais kev saib xyuas mob nkeeg rau thaum lawv muaj mob.

Kev pauv hloov txoj cai tsis ntev dhau los no rau ntawm “txoj cai nplua pej xeeb” uas ua rau qee cov neeg thoj nam tau npav ntsuab los sis tau vij xaj (visa) nyuaj dua qub lawm thaum lawv tau txais qee cov kev pab los ntawm tsoom fwm thiab feem yuam siv txoj cai ICE muaj ntau zuj zus rau hauv cov zej zos thiaj ua rau cov neeg thoj nam thiab cov neeg tawg rog tsis kam mus nrhiav kev kho mob rau ntawm cov tsev kho mob thiab cov chaw kuaj mob.

**Txawm li cas los xij, nws tseem ceeb rau peb cov neeg thoj nam thiab cov neeg tawg rog nyob hauv Saint Paul yuav tsum paub tias:**

- 1. Txoj cai nplua pej xeeb** Lub Tsev Haujlwm United States Citizenship and Immigration Service (USCIS) yuav tsis muaj kev txiav txim nplua peej xeeb rau kis “kev kuaj mob, kev kho mob, los sis kev kuaj xyuas tiv thaiv mob nkeeg (suav txog cov tshuaj txhaj tiv thaiv kab mob, yog muaj ib yam tshuaj txhaj tiv thaiv kab mob) uas ntsig txog rau tus kab mob COVID-19, txawm tias yuav pab kho mob rau los sis raug pab them nqi los ntawm ib los sis ntau cov nyiaj pab los ntawm tsoom fwm los xij.” Saib: [USCIS cov ntaub ntawv tshaj tawm](#)
- 2. Feem Yuam Siv Txoj Cai ntawm ICE:** Thaum Lub Peb Hlis Tim 18, [ICE tau tshaj tawm](#) tias yuav tau “hloov kho kev yuam siv txoj cai mus ib ntus” thiab npaj yuam siv txoj cai rau kis “feem muaj pheej hmoo tshwm sim tsis zoo rau kev nyab xeeb ntawm pej xeeb sawd daws thiab cov neeg uas yuav raug ceev tseg vim ua txhaum txoj cai.” Rau txhua lwm tus neeg, lub chaw ua haujlwm “yuav ua tib zoo saib xyuas txog kev ncuu yuam siv txoj cai kom mus txog thaum tag qhov teeb meem los sis tag sijhawm kev raug ceev tseg, raws li qhov tsim nyog.” Lub tsev haujlwm ICE kuj tau hais tias “yuav ua raws li cov cai nyob rau ntawm lub chaw rau thaum tshwm sim tus kab mob COVID-19, nws yuav tsis ntes cov neeg uas tuaj ze rau ntawm cov tsev kho mob, cov tsev ua haujlwm ntawm kws kho mob, los sis cov chaw saib xyuas mob nkeeg “tsuas zam rau thaum lub sijhawm muaj teeb meem tseem ceeb no xwb.”

**Lwm Cov Ntaub Ntawv Hais Txog Kev Nkag Teb Chaws/Xov Xwm Tshiab Ntsig Txog Tus Kab Mob COVID-19**

- 3. ICE tau ncuu tsis pub muaj neeg nyob ntawm txhua lub tsev kaw neeg ntawm qhov chaw kuaj neeg nkag mus rau ntawm Saint Paul Filed Office, lawv tsuas siv xov tooj sib hu rau ntawm qhov chaw nkag mus lawm xwb— tsuas muaj neeg ua haujlwm rau ntawm lub chaw**

Saint Paul ICE Office raws li kev cog lus ua haujlwm lawm xwb. Yog xav tau cov ntaub ntauv ntxiv hu rau lub chaw Saint Paul Office rau ntawm: Xov Tooj: (612) 843-8600.

4. **Cov Tsev Txiav Txim Plaub Ntug Txog Kev Nkag Teb Chaws:** Raws li cov ntaub ntauv nyob hauv [EOIR website](#), txhua cov rooj plaub uas tsis yog kev ceev nkag teb chaws yuav raug **ncua**, ua rau kaum ib lub tsev txiav txim plaub ntug txog kev nkag teb chaws raug kaw (Seattle, Atlanta [Peachtree], Charlotte, Houston [Gessner], Louisville, Memphis, NYC [Federal Plaza & Broadway], Newark, Sacramento, Los Angeles [Olive]). Lwm cov tsev txiav txim plaub ntug txog kev nkag teb chaws xws li Bloomington, Minnesota tseem qhib ua haujlwm rau **cov neeg raug ceev lawm xwb**.
5. **Kev Kaw Cov Tsev Haujlwm USCIS:** Txij thaum Lub Peb Hlis Tim 18, Yuav tau kaw Tsoom Fwv Meskas Lub Tsev Haujlwm Saib Xyuas Neeg Xam Xaj thiab Neeg Nkag Teb Chaws (U.S. Citizenship and Immigration Services) mus ib ntus kom tsis pub neeg ua haujlwm rau ntawm nws cov chaw ua haujlwm sab nrauv tshav puam, cov chaw ceev neeg, thiab Cov Chaw Pab Saib Xyuas Thov Kev Pab (Application Support Centers, ASCs) txhawm rau pab txo kev sib kis ntawm Tus Kab Mob Coronavirus 2019 (COVID-19). Cov tsev ua haujlwm USCIS yuav rov qab qhib ua haujlwm rau thaum Lub Plaub Hlis Tim 7 tshwj tsis yog raug hais kom kaw mus ntxiv. Txawm li cas los xij, USCIS yuav muab kev lis haujlwm rau kis muaj xwm txheej kub ntxhov ceev rau qee kis. Xav teem caij mus sib ntsib rau kis muaj haujlwm xwm txheej kub ntxhov ceev, hu rau [USCIS Contact Center](#).
6. **Kev Ceev Kev Nkag Teb Chaw:** ICE tau ncua ib ntus tsis pub cov neeg uas tsis yog sab laj txog txoj cai tuaj ntsib rau ntawm txhua lub chaw ceev neeg ICE. Tseem pub cov neeg sab laj txog txoj cai tuaj ntsib tau.
7. **Kev Ncua Ib Ntus txog Cov Neeg Tawg Rog Tshiv Teb Tsaws Chaw:** Tsis ntev los no tus kws cev lus hauv Lub Tsev Haujlwm Ntawm Lub Xeev tau lees tias kev pub cov neeg tawg rog nkag tuaj nyob rau hauv Teb Chaws Meskas yuav raug ncua tsis ua haujlwm txij thaum hnuv Thursday, Lub Peb Hlis Tim 19 mus txog rau hnuv Monday, Lub Plaub Hlis Tim 6. Hnuv Wednesday, Lub Peb Hlis Tim 18 yog hnuv kawg pub tuaj txog ntawm cov neeg tawg rog.
8. **Kev Txwv Tsis Pub Tawm Mus Ncig** - Thaum Lub Peb Hlis Tim 13, 2020, Tus Thawj Kav Teb Chaws tau txwv ntxiv tsis pub tawm mus ncig rau 26 lub teb chaws thiab rau ntawm ib cheeb Schengen xws li nram qab no, uas thaum xub thawj tsuas muaj Teb Chaws Suav thiab Teb Chaws Iran xwb: Austria, Belgium, Czech Republic, Denmark, Estonia, Finland, France, Germany, Greece, Hungary, Iceland, Italy, Latvia, Liechtenstein, Lithuania, Luxembourg, Malta, Netherlands, Norway, Poland, Portugal, Slovakia, Slovenia, Spain, Sweden, ad Switzerland. Tau txwv tsis pub neeg nkag tuaj rau hauv Teb Chaws Meskas, tab sis tsuas zam rau qee tus neeg uas tau mus los pem Teb Chaws Suav, Teb Chaws Iran los sis ib cheeb tсам ntawm Schengen rau thaum lub sijhawm caiv thiab ceev tseg 14 hnuv yuav pub lawv nkag teb chaws los sis yuav nkag los rau hauv Teb Chaws Meskas. Saib [Tus Thawj Kav Teb Chaws Cov Lus Tshaj Tawm](#) yog xav paub ntau ntxiv.
9. **Cov Xov Xwm Tshiab No yuav raug pauv hloov tas li. Thov rov qab mus saib hauv lub webpage no thiab mus saib rau ntawm Tsoom Fwv Nom Tswv cov Websites uas hais los saum toj saud yog xav paub cov xov xwm tshiab.**